



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Na osnovu čl. 7. i 8. Zakona o ministarskim, vladinim i drugim imenovanjima („Službene novine Federacije BiH”, br. 12/03, 34/03 i 65/13), člana 71. st. 4. i 5. Zakona o zdravstvenoj zaštiti („Službene novine Federacije BiH”, br. 46/10 i 75/13), kao i Odluke o kriterijima za imenovanje u nadzorne odbore federalnih zdravstvenih zavoda i zdravstvenih ustanova čiji je osnivač jedan ili više kantona i Federacija Bosne i Hercegovine zajedno („Službene novine Federacije BiH“, broj 38/11), Ministarstvo zdravstva Kantona Sarajevo, raspisuje

JAVNI OGLAS

ZA NOMINIRANJE/IMENOVANJE NA UPRAŽNJENU POZICIJU U NADZORNOM ODBORU KLINIČKOG CENTRA UNIVERZITETA U SARAJEVU, I TO JEDAN ČLAN, PREDSTAVNIK IZ KANTONA SARAJEVO, KAO SUOSNIVAČA I UPRAŽNJENU POZICIJU JEDNOG ČLANA NADZORNOG ODBORA ZAVODA ZA ZDRAVSTVENU ZAŠTITU RADNIKA U SAOBRAĆAJU – SARAJEVO, ISPRED KANTONA SARAJEVO

1. Oglašava se Javni oglas za nominiranje/imenovanje na upražnjene pozicije, i to:
 - jedan član u Nadzornom odboru Kliničkog centra Univerziteta u Sarajevu (u daljem tekstu: N.O. KCUS), predstavnik iz Kantona Sarajevo, kao suosnivača i
 - jedan člana Nadzornog odbora Zavoda za zdravstvenu zaštitu radnika u saobraćaju – Sarajevo, ispred Vlade Kantona Sarajevo (u daljem tekstu: N.O. Zavoda).

2. OPIS POZICIJE:

Djelokrug rada nadzornog odbora u smislu člana 72. Zakona o zdravstvenoj zaštiti je:

- analizira izvještaj o poslovanju zdravstvene ustanove;
- u vršenju nadzora nad upotrebom sredstava za rad pregleda godišnji izvještaj o poslovanju i godišnji obračun;
- pregleda i provjerava urednost i zakonitost vođenja poslovnih knjiga.

Nadzorni odbor sačinjava godišnji izvještaj o poslovanju zdravstvene ustanove na osnovu obavljenih aktivnosti iz prethodnog stava, te pregleda izvještaj o radu direktora i upravnog odbora zdravstvene ustanove.

Izvještaj iz prethodnog stava nadzorni odbor dostavlja osnivaču, upravnom odboru i direktoru zdravstvene ustanove.

Člana N.O. KCUS iz Kantona Sarajevo kandiduje Vlada Kantona Sarajevo, na prijedlog Ministra zdravstva Kantona Sarajevo, a konačno imenovanje vrši Vlada Federacije Bosne i Hercegovine, na prijedlog Federalnog ministra zdravstva.

Predsjednik i članovi N.O. KCUS imenuju se na period od četiri godine, sa mogućnošću ponovnog izbora, a najviše za još jedan mandatni period.

Jedan člana N.O. Zavoda se imenuje na prijedlog Vlade Kantona Sarajevo, a jedan (1) član N.O. Zavoda se imenuje na prijedlog Ministra zdravstva Kantona Sarajevo, a konačno imenovanje vrši Osnivač Zavoda.

Mandat jednog člana N.O. Zavoda koji će biti imenovan na prijedlog Vlade Kantona Sarajevo traje do isteka mandata Nadzornog odbora imenovanog Odlukom JP Željeznice FBiH broj: UD-9185-1-2.1/2024 od 04.06.2024. godine, uz mogućnost ponovnog imenovanja.

3. UVJETI KOJE TREBA DA ISPUNJAVAJU KANDIDATI:

Kandidati koji se kandiduju za poziciju u N.O. KCUS i N.O. Zavoda dužni su ispunjavati opće i posebne uvjete, i to:

3.1. Opći uvjeti

- da je državljanin Bosne i Hercegovine (dokaz: uvjerenje o državljanstvu ne starije od šest mjeseci);
- da je stariji od 18 godina (dokaz: rodni list ili ovjerena fotokopija lične karte CIPS-a);
- da nije otpušten iz državne službe kao rezultat disciplinske mjere na bilo kojoj nivou vlasti u Bosni i Hercegovini u periodu od tri (3) godine prije kandidiranja (dokaz: izjava kandidata potpisana i ovjerena od strane nadležnog organa);
- da nije obuhvaćen odredbama člana IX.I. Ustava Bosne i Hercegovine (dokaz: izjava kandidata potpisana i ovjerena od strane nadležnog organa);
- da nije osuđivan za krivično djelo nespojivo sa funkcijom u N.O. KCUS/N.O. Zavoda (dokaz: izjava kandidata potpisana i ovjerena od strane nadležnog organa, da će u slučaju da bude izabran dostaviti uvjerenje da nije osuđivan za krivično djelo nespojivo s funkcijom u N.O. KCUS/N.O. Zavoda, izdato od nadležnog MUP-a – Uprava policije, ne starije od šest mjeseci);
- da mu nije izrečena zaštitna mjera u prekršajnom postupku, nespojiva sa obavljanjem funkcije člana N.O. KCUS/N.O. Zavoda (dokaz: izjava kandidata potpisana i ovjerena od strane nadležnog organa, da će u slučaju da bude izabran dostaviti uvjerenje da mu nije izrečena zaštitna mjera u prekršajnom postupku, nespojiva sa obavljanjem funkcije člana N.O. KCUS/N.O. Zavoda, izdato od nadležnog općinskog suda - prekršajno odjeljenje nadležne općine, ne starije od šest mjeseci);
- da se protiv njega ne vodi krivični postupak (dokaz: izjava kandidata potpisana i ovjerena od strane nadležnog organa, da će u slučaju da bude izabran dostaviti uvjerenje da se protiv njega ne vodi krivični postupak, izdato od nadležnog kantonalnog suda, ne starije od šest mjeseci);
- da nije direktor federalnog zdravstvenog zavoda odnosno zdravstvene ustanove (dokaz: izjava kandidata potpisana i ovjerena od strane nadležnog organa);
- da nema privatni i finansijski interes u Kliničkom centru Univerziteta u Sarajevu/Zavodu za zdravstvenu zaštitu radnika u saobraćaju – Sarajevo (dokaz: izjava kandidata potpisana i ovjerena od strane nadležnog organa);
- da nije član ni u jednom upravnom odnosno nadzornom odboru ustanove, zavoda, odnosno privrednog društva sa većinskim državnim kapitalom (dokaz: izjava kandidata potpisana i ovjerena od strane nadležnog organa).

3.2. Posebni uvjeti

Osim općih uvjeta, kandidat za člana N.O. KCUS/N.O. Zavoda treba ispunjavati i posebne uvjete utvrđene tačkom III Odluke o kriterijima za imenovanje u nadzorne odbore federalnih zdravstvenih zavoda i zdravstvenih ustanova čiji je osnivač jedan ili više kantona i Federacija Bosne i Hercegovine zajedno i to:

- da ima završen VII stepen stručne spreme: zdravstvenog, pravnog i ekonomskog usmjerenja (dokaz: ovjerena fotokopija diplome ili uvjerenja o diplomiranju);
- da ima najmanje pet godina radnog iskustva na poslovima svog stručnog zvanja (dokaz: potvrda o radnom iskustvu, ne starija od šest mjeseci) *Napomena: U predmetnoj potvrdi obavezno treba biti navedeno radno iskustvo na poslovima u svom stručnom zvanju;*
- da ima stručno znanje iz djelatnosti Kliničkog centra Univerziteta u Sarajevu/Zavoda za zdravstvenu zaštitu radnika u saobraćaju – Sarajevo, te da je upućen u sadržaj i način njegovog rada (dokaz: izjava kandidata potpisana i ovjerena od strane nadležnog organa);
- da ima radno iskustvo u oblasti zdravstvene zaštite, odnosno zdravstvenog osiguranja ili javnih finansija (dokaz: izjava kandidata potpisana i ovjerena od strane nadležnog organa).

Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata ne starije od šest mjeseci (*osim dokumenta - uvjerenje o državljanstvu koje ne smije biti starije od šest mjeseci*), kao dokaz o ispunjavanju općih i posebnih uvjeta traženih ovim oglasom.

U prijavi na Javni oglas obavezno navesti ispred koga se kandidira.

Prijave sa traženim dokumentima se dostavljaju lično ili poštom preporučeno, sa naznakom „PRIJAVA NA JAVNI OGLAS – NADZORNI ODBOR (*navesti naziv ustanove u čiji se nadzorni odbor kandiduje*) – JEDAN PREDSTAVNIK IZ KANTONA SARAJEVO - NE OTVARAJ” na sljedeću adresu: Ministarstvo zdravstva Kantona Sarajevo, ul. Reisa Džemaludina Čauševića br. 1, Sarajevo.

U zavisnosti za koji se nadzorni odbor prijavljuje kandidat shodno tome, svoju prijavu i izjave prilagođava tom nadzornom odboru.

Prijave koje ne sadrže propisano iz ovog oglasa, kao i prijave podnesene istekom roka utvrđenog u ovom oglasu, odbacit će se kao nepotpune, odnosno neblagovremene, te se kao takve neće uzeti u razmatranje.

Oglas ostaje otvoren 15 dana od dana posljednjeg objavljivanja ovog oglasa, a isti će biti objavljen u „Službenim novinama Federacije BiH“, u dnevnim novinama „Avaz“ i na web stranici Ministarstva zdravstva Kantona Sarajevo: <http://mz.ks.gov.ba>.

Svi kandidati koji budu stavljeni na listu sa užim izborom, biće pozvani na intervju pred Komisijom za izbor.

Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije.

Kandidat koji bude izabran sa Liste užeg izbora kandidata koji ispunjavaju uvjete iz Javnog oglasa dužan je dostaviti uvjerenje da nije osuđivan za krivično djelo nespojivo s funkcijom u N.O. KCUS/N.O. Zavoda, izdato od nadležnog MUP-a – Uprava policije, uvjerenje da mu nije izrečena zaštitna mjera u prekršajnom postupku, nespojiva sa obavljanjem funkcije člana N.O. KCUS/N.O. Zavoda, izdato od nadležnog općinskog suda - prekršajno odjeljenje nadležne općine i dostaviti uvjerenje da se protiv njega ne vodi krivični postupak, izdato od nadležnog kantonalnog suda, u roku od 10 dana od dana prijema obavijesti o izboru.

U slučaju da se ustanovi da izabrani kandidat ne ispunjava uvjet po ovom osnovu, njegova prijava će se odbaciti kao nepotpuna, a izabrat će se slijedeći najuspješniji kandidat sa Liste užeg izbora kandidata, pod istim uvjetima.

Na rješenje o konačnom imenovanju na poziciju u Nadzornom odboru Kliničkog centra Univerziteta u Sarajevu/Nadzornom odboru Zavoda za zdravstvenu zaštitu radnika u saobraćaju – Sarajevo, zainteresirana stranka može podnijeti prigovor na konačno imenovanje u skladu sa Zakonom o ministarskim, vladinim i drugim imenovanjima Federacije Bosne i Hercegovine.

Nakon završene procedure imenovanja, prijava i dokumentacija se neće vraćati kandidatima koji su aplicirali na ovaj javni oglas.

MINISTAR

Prim. mr sci. dr med. Enis Hasanović, s.r.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba